

II.

Sredstva iz tačke I. ove Odluke isplatit će se na teret sredstava utvrđenih u razdjelu 12. Budžeta Federacije Bosne i Hercegovine za 2012. godinu, ekonomski kod 614300 - "Transfer za političke stranke i koalicije".

III.

Za realizaciju ove odluke zadužuju se Federalno ministarstvo finansija - Federalno ministarstvo finansija i Generalni sekretarijat Vlade Federacije Bosne i Hercegovine, svako u okviru svoje nadležnosti.

IV.

O utrošenim sredstvima iz tačke I. ove Odluke, korisnici izvještavaju Federalno ministarstvo finansija - Federalno ministarstvo finansija, a Federalno ministarstvo finansija - Federalno ministarstvo finansija Vladu Federacije Bosne i Hercegovine u skladu sa Zakonom o budžetima u Federaciji Bosne i Hercegovine.

V.

Ova odluka stupa na snagu narednog dana od dana objavljivanja u "Službenim novinama Federacije BiH".

V broj 104/2012

1. februara/veljače

2012. godine

Sarajevo

Premijer

Nermin Nikšić, s. r.

FEDERALNO MINISTARSTVO ZDRAVSTVA

198

Na osnovu člana 23. stav 4. Zakona o apotekarskoj djelatnosti ("Službene novine Federacije BiH", broj 40/10), federalni ministar zdravstva donosi

PRAVILNIK

O SADRŽAJU I NAČINU VOĐENJA REGISTRA VERIFICIRANIH APOTEKA ZDRAVSTVENIH

USTANOVA I APOTEKA U PRIVATNOJ PRAKSI ZA TERITORIJU FEDERACIJE BOSNE I HERCEGOVINE I – OSNOVNE ODREDBE

Član 1.

Ovim pravilnikom uređuje se sadržaj i način vođenja Registra verificiranih apoteka zdravstvenih ustanova i apoteka u privatnoj praksi za teritoriju Federacije Bosne i Hercegovine (u daljem tekstu: Registar).

II – SADRŽAJ REGISTRA

Član 2.

Registar sadrži sljedeće podatke:

- 1) naziv kantona,
- 2) naziv apoteke zdravstvene ustanove, odnosno apoteke u privatnoj praksi,
- 3) adresa, općina, telefon, faks, e-mail adresa,
- 4) podaci o odgovornoj osobi, i to:
 - ime, ime jednog roditelja, prezime
 - broj licence
 - rok važenja licence
 - radno vrijeme

Obrazac za unošenje podataka iz stava 1. ovog člana u Registar sastavni je dio ovog pravilnika. **(Prilog 1).**

Član 3.

Kantonalna ministarstva zdravstva u skladu sa članom 23. stav 5. Zakona o apotekarskoj djelatnosti dostavljaju kopiju rješenja o ispunjavanju uvjeta za rad apoteka zdravstvenih ustanova i apoteka u privatnoj praksi Federalnom ministarstvu zdravstva (u daljem tekstu: Ministarstvo), kao i sve izmjene i dopune važećih rješenja.

Podaci sadržani u rješenju iz stava 1. ovog člana, upisuju se u Registar.

III – NAČIN VOĐENJA REGISTRA

Član 4.

Registar vodi Ministarstvo u elektronskoj formi.

Član 5.

Upis podataka, izmjene, dopune i brisanje podataka u Registru obavlja ovlaštenu službenik Ministarstva, imenovan posebnim rješenjem federalnog ministra zdravstva.

Član 6.

Registar se objavljuje na službenoj web stranici Ministarstva.

Podaci u Registru ažuriraju se svaka tri mjeseca.

IV – PRELAZNE I ZAVRŠNE ODREDBE

Član 7.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-37-308/12

16. januara 2012. godine

Sarajevo

Ministar

Prof. dr. **Rusmir Mesihović, s. r.**

Prilog 1.

REGISTAR APOTEKA ZDRAVSTVENIH USTANOVA I APOTEKA U PRIVATNOJ PRAKSI			
Naziv kantona:			
Naziv apoteke zdravstvene ustanove ili apoteke u privatnoj praksi:			
Adresa:			
Općina:			
Telefon:			
Faks:			
e-mail adresa:			
Odgovorna osoba:			
Ime prezime	Broj licence	Rok važenja licence	Radno vrijeme